

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
26.05.2020թ. կայացված ԱՖ308348 որոշումը բեկանելու և վարչական իրավախախտման
վերաբերյալ գործի վարույթը կարճելու մասին

<<03>> 07 2020թ. 7-13- 7414

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Էդգար Բադալյանի ՄԴ/46179-20 դիմումի քննարկման արդյունքում ստեղծված
նյութերը՝

Պ Ա Ր Զ Ե Ց Ի

Երևան քաղաքի Դավիթ Մալյան փողոցի 4 շենքի 14 բնակարանի բնակիչ Էդգար
Բադալյանը դիմումով խնդրել է անվավեր ճանաչել Ճանապարհային ոստիկանության
վարչական իրավախախտման վերաբերյալ գործով 26.05.2020թ. կայացված ԱՖ308348
որոշումը՝ նշելով, իր վարած ավտոմոբիլը եղել է ապահովագրված: Դիմումին կից ներկայացրել
է <<Ռոսգոսստրախ Արմենիա>> ԱՓԲԸ-ի հետ կնքված SN820220 ԱՊՊԱ վկայագրի
պատճենը:

Դիմումի ուսումնասիրությամբ պարզվել է, որ **26.05.2020թ. ժամը՝ 10:50-ին** Վերին Պտղնի
գյուղի հատվածում քաղաքացի Էդգար Բադալյանի վարած <<VOLKSWAGEN>> մակնիշի
35ZD004 հաշվառման համարանիշի տրանսպորտային միջոցը կանգնեցվել է Ճանապարհային
ոստիկանության ՃՊԾ 2-րդ սպայական գումարտակի 3-րդ սպայական վաշտի 1-ին սպայական
դասակի ավագ տեսուչներ, ոստիկանության մայորներ Ա.Հակոբյանի և Լ.Զազյանի կողմից:
Ստուգումից պարզվել է, որ վարորդն ավտոմոբիլը վարել է առանց գործող ԱՊՊԱ
պայմանագրի ունենալու: Վարորդի նկատմամբ կազմվել է վարչական իրավախախտման
վերաբերյալ արձանագրություն և Վարչական իրավախախտումների վերաբերյալ <<
օրենսգրքի 129.2-րդ հոդվածի 2-րդ մասի համաձայն կայացվել է վարչական իրավախախտման
վերաբերյալ գործով ԱՖ308348 որոշումը՝ վերջինիս 100.000 << դրամի չափով տուգանելու
վերաբերյալ:

Ճանապարհային ոստիկանության ծառայողների կողմից տրված պարզաբանման
համաձայն՝ քաղաքացի Էդգար Բադալյանի կողմից ավտոմոբիլն առանց գործող ԱՊՊԱ
պայմանագրի վարելու փաստը հայտնաբերվել է ՃՈ Էլեկտրոնային ռեսգիստրի միջոցով,
որտեղ նշված է եղել, որ <<VOLKSWAGEN>> մակնիշի 35ZD004 հաշվառման համարանիշի
ավտոմոբիլը չունի գործող ԱՊՊԱ պայմանագիր, ինչի կապակցությամբ կազմվել է
համապատասխան արձանագրություն և կայացվել ԱՖ308348 որոշումը: Միաժամանակ
ոստիկանության ծառայողները հայտնել են, որ իրենց և վարորդի միջև ծառայողական բնույթի
խոսակցություններից բացի այլ խոսակցություններ չեն եղել:

Քաղաքացի Էդգար Բադալյանի կողմից ներկայացված <<Ռոսգոսստրախ Արմենիա>>
ԱՓԲԸ-ի հետ կնքված SN820220 ԱՊՊԱ պայմանագրի պատճենի համաձայն՝

<<VOLKSWAGEN>> մակնիշի 35ZD004 հաշվառման համարանիշի տրանսպորտային միջոցի պայմանագիրը կնքվել է **25.05.2020թ. ժամը 10:28-ին** և ուժի մեջ է մտել նույն օրը **ժամը 14:23-ից մինչև 25.08.2020թ.:** Նշված փաստը հիմնավորվել է << ապահովագրական բյուրոյի հայտնած տեղեկատվությամբ:

Այսպիսով, դիմումատուի արարքում բացակայում է Վարչական իրավախախտումների վերաբերյալ << օրենսգրքի 129.2-րդ հոդվածի 2-րդ մասով նախատեսված վարչական իրավախախտման դեպքը, ուստի ելնելով վերոգրյալից և ղեկավարվելով նույն օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 26.05.2020թ. կայացված ԱՖ308348 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել << վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Էդգար Բադալյանին և Ճանապարհային ոստիկանության ՃՊԾ 2-րդ սպայական գումարտակ, ինչպես նաև քննարկելու հետագայում նմանատիպ դեպքերը բացառելու համար:

Կատարող՝ Ա. Միրզոյան
Հեռ. 011544783



Ե. Կարապետյան